

parvis verò dicitur φιλοπρέπεια, qua notatur amor nimius honoris, quamvis vox hæc, ut dictum est, etiam in bonam partem accipi possit. Honorem expetere licet, nempe verum, & qui sit virtutis nostræ justum præmium. Injustus enim honor est, quicumque supra meritum & dignitatem expetitur, aut tribuitur, & talis honor magis obesse solet, quam prodesse. Sint igitur hæc cautiones: 1. Quare honoremur. 2. A quo honoremur; non à quovis, sed à laudato. 3. Ut per honores ad majus virtutis studium incendamur. Ambitiosus verò horum nihil observat, id quod fieri videmus in gloriosis Thraconibus, qui modò laudentur, satis ipsis est, sive à gnationibus, sive ab aliis quibuscunque nebulonibus. Inspiciatur Thraço in Terentii Eunucho. Exemplum habemus in parentibus primis, qui ambitione elati æqualitatem cum Deo sperabant, sed infelicissimo eventu. Qui enim cupiebant esse ισοθεοι, facti sunt cum omnibus suis posteris μισοθεοι. Abimelechus filius Gideonis ex concubina 70 fratres super unum lapidem interfecit, excepto uno Jotham, ut nimirum solus dominari posset, Judic. c. 9. Ambitiosissimi fuerunt Herodes, indeque crudelissimi. Namque Ascalonita necat pueros, Antipa Johannem, Jacobum Agrippa, tenet hic in carcere Petrum. Imò Herodes Agrippa Deum se salutari à subditis suis passus est, Actor. 12. vers. 21. &c. Quapropter ab Angelo Domini percussus phthiriasi emoritur. Alex M. fastidivit patrem Philippum, & se Jovis Hammonis filium esse gloriatus est, Justinus lib. 11. Qui monstruosa ambitionis exempla cupit, legat vitas Pontificum Romanorum: Hadrianus LV. indignabatur Frederico Imp. imò exprobrabat, quòd sibi de jumento descendenti non sinistram, sed dextram porrexisset. Alexander III. iniquus in Fridericum Barbarossam erat. Hic enim à Pontifice excommunicatus, quum supplex ei fieret Venetiis, Pontifex non contentus Imperatoris modestiâ, pedem collo Imperatoris imposuit, & à quodam sacrificulo acclamari jussit ex Psal. 91. Super aspidem & basiliscum ambulabis, & conculcabis leonem & draconem. Imperator

Ambitionis
Exempla.

1.

2.

3.

4.

5.

6.

7.